



Aningaasaqarnermut Aatsitassanullu Naalakkersuisoq

Ulloq: 15. juli 2020
J.nr.: 01.31.06/20-00888

Aningaasaqarnermut Akileraartarnermullu Ataatsimiititaliap tallimangornermi ulloq 10. juli 2020-mi aalajangiineranik Naalakkersuisunut ilisimatitsineq.

Konto pingaarnermut 50.06.25 Aalisarneq pillugu ataatsimiititaliarsuarmut ilassutitut aningaasaliissuteqarnissamik qinnuteqaat. – Suliaq nr. 01.31.06/20 – 00888.

”Naalakkersuisut **inassutigaa**,

- Konto pingaarnermut 50.06.25 - Aalisarneq pillugu ataatsimiititaliarsuarmut aningaasaliissutit 2020-mi 1 mio. kr.-nik ilaneqassasut, aamma
- Konto pingaarnermut 20.11.50 Ingerlatsineranut sillimmatinut aningaasaliissutit 2020-mi 1 mio. kr.-nik ilanngarneqassasut”

Aningaasaqarnermut Akileraartarnermullu Ataatsimiititaliap oqaaseqaatai apeqqu- taalu:

Ulloq 1. julimi ullulerneqartumut ataatsimiititaliap apeqquteqaataanut Naalakkersuisut 3. Julimi akissuteqaataanut ataatsimiititaliap qujavog.

2020-p ingerlanerani Aalisarnermut Ataatsimiititaliarsuup isumaliutissiissusiornissaminut aningaasartuutigisaanut aningaasaliissutit matussusiisussaasut ataatsimiititaliamit paasineqarpoq. Siunertamut aningaasaliissutit 2020-mut aningaasanut inatsimmi marloriaatinngortinneqarput.

Suliaq ukiup affaanik kinguaattoorsimanera COVID-19 Naalakkersuisut qinnuteqarnermini tunngavilersuutigaa. Maannakkut aningaasaliissutinut sinaakkutit iluanni suliaqkiissummi suliaq naammassineqarnissaannut kinguaattoorneq aningaasartuuteqarnerunissamik soq kinguneqassanersoq tunngavilersuummi matumani nassuiaatigineqanngilaq. Kingusinaarnerup aningaasaliissutinik atuinissap kinguartinneqarneranik pissusissamisoortumik kinguneqarsinnaanera ataatsimiititaliamit naatsorsuutigineqarpoq.

Naalakkersuisut saqqummiussisutaanni allassimavoq

“Ataatsimiititaliarsuarmut aningaasat qinnutigineqartut ataatsimiititaliarsuup pisariaqartumik 2020-mi marloriarluni-pingasoriarluni ataatsimeeqinnissaanut periarfissiisapput, tassunga ilanngullugu minnerpaamik Nuup avataani (Maniitsumi) ataasiarluni ataatsimiinnissaq kiisalu innuttaasuniit aamma ilaatigut qinikkanit taaseqataasinnaanatik ataatsimeeqataasartunit kissaatigineqartoq malillugu ataatsimiititaliarsuup kalaallisut oqaloqatigineqartarneranik patajaallisaaneq.”

Coronap nalorninartorsiortitsinerata pilersaarutit naatsorsuutigineqareersut suliaqkiissummilu suliaq suut allanngortinneqarsimanersut paasissutissiissutigineqarnissaat ataatsimiititaliap kissaatigaa.

Coronap nalorninartorsiortitsilernera sioqqullugu ataatsimiititaliarsuup ataatsimiinnissaat qassit pilersaarusioneqarsimanersut taakkunangalu qassit taamaatiinnarnejarsimanersut paasissutissiissutigineqarnissaat ataatsimiititaliap kissaatigaa.

Maniitsumi ataatsimiinnissaq qanga pilersaarusioneqarsimanersuq aamma ataatsimiinnissap tamatumap sooq kinguartinneqarsimanersuq taamaatinnejarsimanersorluunniit paasissutissiissutigineqarnissaa ataatsimiititaliap kissaatigaa?

Suliami matumani nalinginnaasumik aningaasaliissutissatut naatsorsutigineqartuni ataatsimiititaliarsuarmit attaveqaqatigiinneq kalaallisut ingerlanneqarnissaa ataatsimiititaliamit isigineqarpoq. Taamaattumik siunertamut tamatumunnga aningaasaliisoqqaqqinnissaa ataatsimiititaliamit pisariaqartinneqanngilaq.

Missingersuusiortarnermut malittarisassat 2008 naapertorlugu ilassutitut aningaasaliissutigineqartut Naalakkersuisut susassaqrifiisa iluini allani sipaarniutitut siunnersuummik malitseqartinneqarsimangitsoq ataatsimiititaliap maluginiarpa

Naggataatigut piaartumik akineqarnissaq ataatsimiititaliap qinnutigaa.

Aningaasaqarnermut Akileraartarnermullu aalajangiinera

Siuliani allassimasutut oqaaseqaateqarluni Naalakkersuisut inassuteqaataannut isummer-nissani Aningaasaqarnermut Akileraartarnermullu Ataatsimiititaliap **kinguartippaa**.

Inussiarnersumik inuulluaqqusillunga



Hermann Berthelsen

Aningaasaqarnermut Akileraartarnermullu Ataatsimiititaliap siulittaasua